



ŠTA JE NATO?

Posjetite naš sajt:
www.nato.int

Sjeveroatlantski savez je jedna od najvećih međunarodnih organizacija na svijetu. To je politički i vojni savez koji okuplja 30 zemalja članica iz Evrope i Sjeverne Amerike.

Zemlje članice sarađuju na polju sigurnosti i odbrane. S obzirom na to, NATO predstavlja jedinstvenu vezu između ta dva kontinenta s ciljem političke i sigurnosne saradnje.

ZAŠTITA LJUDI

Mogućnost da se krećemo slobodno u sigurnom i ekonomski stabilnom okruženju ne podrazumijeva se sama po sebi. Sigurnost u svim sferama svakodnevnog života ključ je naše dobrobiti.

RAZVIJANJE PARTNERSTAVA

Uspostavljanje dijaloga i saradnje predstavlja osnovu za mirne odnose i potpuniju međunarodnu saradnju.

NATO državama članicama i partnerima pruža jedinstvenu mogućnost da se konsultuju o sigurnosnim pitanjima s ciljem izgradnje povjerenja i dugoročnog sprječavanja konflikata.

Kroz praktičnu saradnju i multilateralne inicijative, zemlje se zajednički suočavaju sa novim sigurnosnim izazovima.

SUOČAVANJE SA NOVIM PRIJETNJAMA

Kako se priroda prijetnji mijenja, moraju se mijenjati i metode očuvanja mira. NATO svoje odbrambene sposobnosti profilira prema modernim prijetnjama. Prilagođava snage i razvija multinacionalne pristupe za borbu protiv terorizma, državnih kriza i drugih sigurnosnih prijetnji, kao što je oružje za masovno uništenje.

USPOSTAVLJANJE MIRA I STABILNOSTI

Stabilnost je naš zajednički prioritet. Zato je neophodno uspostaviti stabilnost u regionima gdje tenzije predstavljaju prijetnju po sigurnost. To je razlog zašto NATO igra aktivnu ulogu u operacijama upravljanja krizama, u saradnji sa drugim međunarodnim organizacijama.



KOJA JE ULOGA NATO-A?

NATO je posvećen zaštiti svojih članica političkim i vojnim sredstvima. Također, promoviše dijalog i saradnju sa zemljama koje nisu članice NATO-a po širokom spektru tema vezanih za sigurnost, kao što su reforma odbrane i održavanje mira.

Kroz diskusiju i partnerstva, NATO doprinosi sprečavanju konflikata u zemljama članicama i van njihovih granica. Promoviše demokratske vrijednosti i opredijeljen je za mirno rješavanje konflikata. Ako diplomatski naponi ne uspiju, posjeduje vojne kapacitete potrebne za

preduzimanje operacija upravljanja krizama i održavanja mira, samostalno ili u saradnji sa drugim zemljama i međunarodnim organizacijama.

NATO ima i treću dimenziju, a to su aktivnosti na polju planiranja za slučaj civilnih kriza, pružanja pomoći saveznicima i partnerima u slučaju katastrofa, kao i promovisanja naučne i ekološke saradnje.

KAKO NATO FUNKCIONIŠE?

Svaka zemlja članica ima stalnu delegaciju u Sjedištu NATO-a u Briselu. Na čelu svake delegacije je ambasador koji predstavlja svoju vladu u procesu konsultacija i donošenja odluka Saveza.

Sjeveroatlantsko vijeće je najvažnije političko tijelo koje donosi odluke u okviru organizacije. Sastanci se održavaju na različitim nivoima, a Vijećem predsjedava generalni sekretar NATO-a koji pomaže članicama da postignu dogovor o raznim pitanjima.

Sve odluke u okviru svakog komiteta NATO-a donose se konsenzusom. „NATO odluka“ stoga predstavlja izraz zajedničke volje svih zemalja članica.

NATO ima mali broj sopstvenih snaga. Kada Sjeveroatlantsko vijeće postigne dogovor o nekoj operaciji, članice osiguravaju snage na dobrovoljnoj osnovi. Te snage se vraćaju u matične zemlje nakon završetka misije.

Nadležnost vojne komande je koordinacija i sprovođenje operacija. U toj strukturi su vrhovna komanda i baze locirane u zemljama članicama.

Svakodnevne aktivnosti NATO-a, uključujući civilne i vojne strukture i programe sigurnosnih investicija, finansiraju se iz zajedničkih budžeta kojima doprinose vlade zemalja članica u skladu sa dogovorenom formulom podjele troškova.



DRŽAVE ČLANICE I DRŽAVE PARTNERI

Sjeveroatlantski ugovor potpisan je 4. aprila 1949. godine.

ZEMLJE ČLANICE (+DATUM PRIJEMA)

Albanija - 2009	Litvanija - 2004
Belgija - 1949	Luksemburg - 1949
Bugarska - 2004	Mađarska - 1999
Crna Gora - 2017	Njemačka - 1955
Češka Republika - 1999	Norveška - 1949
Danska - 1949	Poljska - 1999
Estonija - 2004	Portugal - 1949
Francuska - 1949	Rumunija - 2004
Grčka - 1952	Sjedinjene Države - 1949
Holandija - 1949	Sjeverna Makedonija - 2020
Hrvatska - 2009	Slovačka - 2004
Island - 1949	Slovenija - 2004
Italija - 1949	Španija - 1982
Kanada - 1949	Turska - 1952
Letonija - 2004	Ujedinjeno Kraljevstvo - 1949

PARTNERI - PROGRAM PARTNERSTVO ZA MIR (PPF)

Armenija	Malta
Austrija	Moldavija
Azerbejdžan	Rusija
Bjelorusija	Srbija
Bosna i Hercegovina	Švedska
Finska	Švicarska
Gruzija	Tadžikistan
Irska	Turkmenistan
Kazahstan	Ukrajina
Kirgistan	Uzbekistan

PARTNERI - MEDITERANSKI DIJALOG

Alžir	Maroko
Egipat	Mauritanija
Izrael	Tunis
Jordan	

DRŽAVE POTPISNICE ISTAMBULSKE INICIJATIVE

Bahrein
Katar
Kuvajt
Ujedinjeni Arapski Emirati

GLOBALNI PARTNERI

Afganistan
Australija
Irak
Japan
Kolumbija
Mongolija
Novi Zeland
Pakistan
Republika Koreja